



UNIVERSITÄTS-
BIBLIOTHEK
PADERBORN

Universitätsbibliothek Paderborn

Defensor Redivivvs Seu De Sacrae Consistorialis Aulae Advocatorvm Origine, ac Munere

**De Rossi, Giuseppe Ortensio
De Rossi, Giacomo Gregorio**

Romae, 1657

37 Praxis proponendae causae seù Commissionis.

urn:nbn:de:hbz:466:1-10678

37 Talisque * ordo est obseruan-
dus in earum propositione ;
nam post obedientiam à Car-
dinalibus præstitam Summo
Pontifici in Consistorio publi-
co , Aduocatus propositurus
causam , siue Commissionem ,
vt supra, sistit antè solium Sum-
mi Pontificis è conspectu illius,
medius inter D. Decanum Col-
legij manentem à dexteris , o-
limquè à sinistris Procuratorem
Generalem Fisci Pontificij, nunc
verò Promotorem fidei , qui
Aduocatus præ manibus tenere
debet papyrum Commissionis
cæteris Aduocatis circumstan-
tibus , & facta genuflexione
primum suæ orationis versicu-
lum eloqui , mox autem fileat,
quìa

quà Cardinali, vel Legato mit-
 tuntur duo Diaconi, vt illos
 introducant in Consistorium,
 Oratoribus verò Patriarchæ, Ar-
 chiepiscopi, vel Episcopi assi-
 stentes, post quorum discessum
 iterata genuflexione profequitur
 iam cœptam orationem, donec
 Cardinales, Legati, vel Orato-
 res Consistorium ingressi fue-
 rint, quibus ingressis, si Lega-
 ti, vel Oratores sint, orationi
 finem imponet, & genuflexus
 cum Procuratore Fisci olim in-
 stabat vt infrà. Quarè supplicat
 devotus Sanctitatis Vestræ ora-
 tor N. Fisci, & Cameræ Apo-
 stolicæ procurator generalis, vt
 Causam, & Causas huiusmodi
 &c. Et Summus Pontifex alta

voce respondebat. Placet. Nunc autem relatis precibus Principum, & aliorum postulantium fieri talem Beatificationem, vel Canonizationem, instat pro illius commissione, prosecutione, vel expeditione; aduersus quam Promotor fidei protestatur opponendo ea, quæ singulis appositè congruunt, & successiue Summus Pontifex alta voce solet ita rescribere, Audiatur Congregatio Sacrorum Rituum, & nobis referat. At si Consistorium habeatur pro galero tradendo Cardinali nouiter creato, Aduocatus illo Consistorium ingresso, expectabit donec idem cum cæteris Cardinalibus inde discedat versus sacellum;

lum, gratià ibidem legendi, & iurandi Constitutiones Apollolicas, quibus recedentibus prosequitur orationem inchoatam vsquè ad eorum reditum in Consistorium, quo secuto genuflectit, & instat pro commissione Causæ vt supra.

Olim quoquè animaduertendum erat ab Aduocatis, nè in eorum declamationibus immiscerent aliqua tangentia ordinem, vel Dignitatem Episcopalem, seù miracula, aut Indulgentias, vel similia, quæ aures Pontificis, & Auditorum quoquomodo lædere potuissent; Nam cum Aduocatus, qui orauerat in Consistorio habito 23. Decembris 1600. di-

xisset quædam aduersus Episcopum Germanum, ac de miraculis, Clemens VIII. præcepit Governatori Urbis, vt admoneret Collegium, quòd in posterum casus proponendos in Consistorio assumeret à Procureatore Fiscali, quem ordinem postea reuocauit ad preces Collegij, iussitquè nihil innouari, præuia tamen promissione ipsius Collegij, quòd in orationibus futuris non apponerentur tangencia Episcopos, miracula, Indulgentias, & similia, cuius rei historia enarratur *in libro Camerarij fol. 17.*

38 Hodie * verò obseruanda sunt contenta in instructione, quam Secretarius Congregationis
nis